

تورک تاریخ انجمنی مجموعی

۱ ایلول
۱۳۴۰

اون دردیجی سنه
نومرو ۵ (۸۲)



مرعش امیرلری

بیزانتینلر زماننده (جرمانیکیا) نامیله یاد ابدیلن مرعش شهری حضرت عمر زماننده اسلاملر طرفندن فتح اولونمشدی .

ابوعبیده بن الجراح ، سوریه قطعہسینی باشدن باشا فتح استدکن صوکر (منبج) ی قرارگاه انخاذا ایتمش ومعیتمده کی قوماندانلردن خالد بن ولیدی مرعشک ضبطنه مأمور قلمشده . خالد بونهرک فتحنه موفق اولدی ؛ اهاالیسینی اجلا وقلعهسینی تخریب ایلدی .

۳۰ نجی سنه هجرده سفیان بن عوف آنادولویه غزا ایتدیکی ائناده مرعشه گلش واورادن شماله توجه ایلمشدی . معاویه ، سوریه شائنده روملره قارشى خط مدافعلر وجوده کتیرمک ، مستحکم قلعهلر تأسیس ایلمکله اشتغال ایتدیکی ائناده ، حین فتحندن بوزمانه قدر خراب برحالده براقلمش اولان مرعش شهرینده بنا وتحکیم ایتدی ، ایچنه عسکر واهالی اسکان ایلدی . شهر مذکور ، آنادولویه غزا ایدن مجاهدلرک اسلرکه لرندن بری اولدی .

یزید بن معاویه نك وفاتی متعاقب اسلاملر آراسنده ظهوره کلن تفرقه دن استفاده ایدن روملر مرعشه تعرض ایتدیلر . مقاومتدن عاجز قالان عسکر واهالی شهری تخلیه ایلدیلر .

عبدالملک بن مروانک زمان خلافتنده الجزیره والیلکنه - که مرکزى حران شهری ایدی - تعیین ایتمش اولدینی محمد بن مروان صائفه غزاسنه باشلادی (۱) . ۷۴ و ۷۵ نجی سنه لرده بربرینی تعقیباً ایکی کره مرعش طریقله آنادولویه کیره رک اجرای غارت ایلدی . روملرده بالمقابله تعرضه کچه رک مرعش اوواسنه ایندیلر ؛

(۱) اسلاملر طرفندن روملره قارشى هرسنه ایکی کره غزا باپیلدی معتاد ایدی . یاز غزاسنه (صائفه) ، قش غزاسنه (شائیه) دینلیدی .

قنسرین والیسی (بان بن الولید) اونلره قارشى چىقدى ؛ محاربه روملرک هزىمته
نتیجه لندی (۲)

ولید بن عبدالملکک زمان خلافتنده اوغلى عباس ، مرعشى یکیدن اعمار و تحکیم
ودرونه اهالی اسکان ایتدی . روملر تعرضه قارشى شهرک مدافعه سی ایچون
هرسنه (قنسرین) دن امداد کوندرلسى تقرر ایلدی . بوصورته مرعش متین
و مستحکم براسلام بلده سی اولدی .

مروان ثانی نك زمانه قدر اسلاملر روملره قارشى تفوقلری دائماً محافظ
ایتدکلرندن مرعش نفور رومک الك امین بلده لرندن برى حالنده قالدی . صافه
وشایه غزالیینه اشتراك ایدن سردرلر بعضاً ملاطیه ، بعضاً مرعش ، بعضاً ده
طرسوس دربندلرندن کچهرک آنادولو یچریلرینه کیرمکده دوام ایدیورلرد .
از جمله ۱۱۳ سنه سنده معاویه بن هشام بن عبدالملک ، باباسنک زمان خلافتنده ،
صافه غزاسنه مأمور اولدینی وقت مرعش طریقیله آنادولویه کیرمشدی (۳)

ایکنجی مروانک زمان خلافتنده اختلافات داخلیدن استفاده ایدن روملر
ممالک اسلامییه تعرضه باشلادیلر . مروانک حصص اهالیسیله محاربه سی صیراسنده
مرعشى محاصره ایتدیلر . شهر اهالیسی هجرت ایلک شرطیله صلح و امان ایتدیلر .
بو طلبلری اسعاف ایلدی . اهالی شهری ترک ایله الجزیره هجرت ایتدیلر . عساکر
محافظه ده (قنسرین) ه و عائله لری نزدینه کیتدیلر . مرعش روملر طرفندن تخریب
اولندی . او وقت (کوثر بن زفر بن الحارث الکلابی) مروان طرفندن مرعشه
عامل بولمقده ایدی . یزانس ایمبراطور لغنده ایسه (قسطنطین قوبرونیم) بولونو-
بوردی . روملر مرعشى کاملاً تخریب ایدرک چکیلدیلر .

فقط شهر مذکورک بو حال خرابیسی چوق دوام ایتدی . مروان ، حصص
غائله سندن فارغ اولدقدن صوکر مرعشک یکیدن بناسنی امر ایتدی . ۱۳۰ سنه سنده
صافه غزاسنه مأمور اولان ولید بن هشام بو شهرى تکرار تأسیس و تحکیم ایلدی .
ابومسلم ایله مروان آره سنده جریان ایدن وقایعی فرصت عدایدن روملر تکرار
خروج ایدرک شهری خراب ایلدیلر . ابو جعفر منصورک خلافتی زمانه قدر

(۲) البلاذری ، فوح البلدان . روملرک هزىمتمدن بحث ایدن (سبط بن الجوزى) محمد

بن مروانک عساکر اسلامییه سردار اولدیغى ذکر ایدر .

(۳) ابن عساکر ، تاریخ دمشق

مرعش اعمار ابدلدی . خلیفه مشار الیه عموجه سی (صالح بن علی) به شهری بنا و تحکیم ایتدیردی . خلیفه ده عطا - یعنی علوفه - تخصیص ایده جکنی و عدایدرک دیکر شهرلر اهالیسنی بوراده اقامت و اسکانه تشویق ایتدی . هر طرفدن برچوق کیمسه لر نقل خانه ایتدیلر (۱) .

امویلر زماننده مرعش عامللری قنسرین امیرلرینه تابع بولنیورلردی ؛ اوزمان شام ثغوری عد اولنیوردی . عباسیلر زماننده الجزیره یعنی حران امارتنه ربط ایدلمکله ثغور جزیره دن معدود اولدی (۲) .

خلیفه مهدی مرعش محافظلرینی کثیر ایتدی . یزانس امیر طوری (خزر لئون) زماننده ۱۶۱ سنه سنده روملر (حدث) یعنی (کونینک) دربندنن خروج ایدرک مرعش او و سنه مواصلت و راست کلدکلری قرا و قصبانی احراق ایتدیلر . او ائانده آل عباسدن (عیسی بن علی) مرعش عاملی اولوب صائفه غزاسنه چیقمش و آنادولو ایچریلرینه کیرمشدی . شهرده پک آز عسکر و اهالی موجود ایدی . یزانس اردوسی قوماندانی میخائیل شهری محاصره ایتدیسسه ده ضبط ایده مدی ، محاصره بی قالدیره رق چیحان کنارینه چکیلدی . بو خبر او سنه صائفه غزاسنه مأمور اولوب (دابق) او و سنده اردو قوران (ثمامه بن الولید العبسی) به ابریشدی . مومی الیه سواری عسکرینی مرعشک امدادینه کوندردی ؛ فقط بو عسکرک اکثریسی روملر طرفندن تلف ایدلدی . خلیفه مهدی بو فلاکتدن متألّم اوله رق اکابر امرای اسلامیه دن حسن بن قحطبه بی سکسان بیک قدر عسکرله غزایه کوندردی ، دیکر ثغور امراسنی ده اونک معیتنه ویردی . حسن ، آنادولو ایچریلرینه کیردی ، وهیچ یر شهر ضبط ایتمکسزین بالکز راست کلدیکی معموره لری یاقدی و ییقدی . روملر قلعه لرده تحصن ایده رک قارشى چیقمه به جسارت ایده مدیلر . غزادن عودت ایتدکدن سوکرا ، بر آزاو روملر طرفندن خراب ایدلش اولان حدث = کونینک بلده سیله طرسوس شهرینک یکیدن انشاسی لزومنی خلیفه به بیلدیردی . خلیفه ده بوایکی بلده سی یکیدن بنا ایتدیردی (۳) .

(۱) البلاذری ، فتوح البلدان . ابن خلدون ج ۳ ص ۱۳۴

(۲) ابن العدم ، تاریخ حلب ، ثغور بختنده

(۳) ابن العدم ، تاریخ حلب . البلاذری ، فتوح البلدان . ابن خلدون ج ۳ ص ۲۱۳

ہارون الرشید خلیفہ اولدقن صوکرآ آنادولو فتوحاتہ چوق اہمیت ویردی .
 ثغورده کی بلده لری تحکیم ایتدیردی، خراسان و ماوراءالنہر عسکرلرندن برمقداری
 بوشہرلہ یرلشدیردی . حدود قوماندانلری سنہده بر ایکی دفعہ مرکزی آنادولوی
 غارت ایتمکده ایدیلر . خلیفہده ایکی سنہده بر بالذات سفرہ اشتراک ایدیردی .
 ۱۹۱ سنہسنده (ہرمثہ) بی بیوک براردوایلہ آنادولو ایچریسنہ کوندیرکن کندیسیدہ
 بالذات مرعشک سکز فرسخ شرق جنویبسنده بولنان (حدث) ہ قدر کلشدی .
 خلیفہ ، ارمینہ والیسی (سعید بن مسلم بن قتیبة الباہلی) بی ارمینہ والیلکندن
 قالدیرہرق مرعش عاملکنہ تعین ایتدی ؛ طرسوس ، حدث ، ملاطیہ بلده لرینک
 عامللرییہ عزل ایدرک یرلرینہ داہا مقتدر اولانلرینی نصب ایتدی . ثغوری آری
 بر ولایت یاہرق الجزیرہ و قنسرین ولایتلرندن آیردی ، والیلکنی مشاہیرامردن
 نابت بن نصر الخزاعی بہ ویردی . بوندن صوکرآ مرعش عامللری ثغور والیرینہ
 تابع اولیہ باشلادیلر (۱) .

عینی سنہ ایچندہ مرعش عاملی سعید روملرک تجاوزینہ اوغرادی . فقط قارشی
 چیقماہ جرات ایدہ میہرک شہردہ تحصن ایلدی . حالبوکہ ایتسی سنہ ثغور والیسی
 نابت روملر اوزرینہ سفر ایدرک بعض فتوحاتہ بولوندی .

مأمون روم ثغورینہ صوکر درجہ عطف اہمیت ایلان ، آنادولوی استیلا
 ایتکی کندیسہ غایہ اتحاد ایتیش اولان بر خلیفہدر . مشارالیہ بوراسنی خراسانلیرلہ
 دولدیردی . حدود شہرلرینک کافہ سنی تعمیر و تحکیم ایتدیردی ؛ کندیسیدہ اوآخر
 عمرینی بورادہ کچیردی ، بعض سفیرلرہ بولندی . آنادولونک وسطنی ضبط ایتک
 مقصدیلہ طوانہ - کہ بوکون نیکدہ ملحقا تندن کلہ سا حصار موقعی در - شہری بیکیدن
 انشاودرونہ اسلام عسکرلری یرلشدیردی . فقط مقصدینہ نائل اولامدن وفات ایتدی .
 رینہ کچن متصم بوتوردن واز کچدی ، طوانہ بی تخریب ایتدیردی ، طوروسک
 جنوب اتکلرینہ چکیلدی . اندہ بولنان مملکتلری محافظہ اہتمام ایدرک محافظلرینی
 تزید ایتدی ؛ سورلری وقلعہلری تحکیم ، دربندلری ترصین ایتدیردی . بوساہدہ
 ثغور ، برعصردن زیادہ روملرک استیلاسنہ اوغرمامدی . ثغور شہرلریدہ کسب
 جسامت و معموریت ایتدی . بومدت ایچندہ ثغوردن بر چوق علما ، متصوف ،

محدث یتشدی. بونکله برابر اسلاملره روملر آراسنده دوام ایده گمکنده اولان محارباته قطعاً نهایت ویرلمشدی. هر سنه صائفه و شائیه غزالی دوام ایتمکده ، ممالک رومه وقوعبولان تجاوزلرک آردی آرقهسی کیسلمه مکده ایدی.

بوتاریخدن سوکرا ثغور ولایتی، بعضاً دوغریدن دوغری به خلیفه لره، بعضاً مصر و سوریه ده حکمران اولان طولون و حمدان عائله لرینه تابع اولدی. ثغور و الیرلی ده علی الاکثر طرسوسده، بعضاً مرعش یا خودملاطیه ده اقامت ایدبورلردی. معتصمک دور خلافتندن اعتباراً خلافت عباسیه ده تورک امرای و عساکری حاکم اولمه به باشلادقلری کچی ثغورده ده بونلر اجرای امارت ایلدیله. ۲۳۱ده ثغور و الیلکنه تعیین ایدیلن قتیبه بن مسلم احفادنن سالف الذکر سعیدک اوغلی احمد و برقاچ کیشی استننا ایدیله جک اولورسه بوتون ثغور و الیرلی تورک جنسنه منسوب کیسه لر در (۱).

بوتون اوچونجی عصر ظرفنده مرعش هیچ بر استیلایه اوغرامادی. یالکنز (ابوالعشایر) ک ثغور و الیلکی زماننده ۲۹۲ سنه سنده مرعش حوالیسینی روملرک تجاوزینه معروض قالدی. خلیفه المکتفی بوتجاوزی دفع ایتمیه موفق اولامیان ثغور و الیسینی عزل ایده رک یرینه (رستم بن بردو) بی تعیین ایتمدی (۲).

دردنجی عصرده روملره اسلاملر آراسنده کی مجادلات پک شدتلی بر شکل آلدی؛ روملر آنادولویه کیرمش اولان اسلاملری طرفه چالیشیورلر، اسلاملره اللرنده بولنان مواضعی محافظه یه غیرت ایدبورلردی .

۳۰۳ سنه سنده روملر مرعش حوالیسینی غارت ایدرک بعض تخریب آیده بولندیله. ۳۲۰ سنه سندن اعتباراً روملر اسلاملره غلبه ایتمکک باشلادیله اولاً آنادولونک حوالی شرقیه سندن اسلاملری طرفه ایتدیله، اوندن سوکرا جنوبه توجه ایتدیله. ۳۲۴ده ملاطیه بی ۳۳۷ده ده مرعشی ضبط ایتدیله . بودفعسه ده مرعشی تخریب ایتمشردی. آل حمدانن سیف الدوله برادری ناصر الدوله نامنه حلب حکمدارلقنی الله ایتدیکی زمان ثغور رومک مدافعه سنی ده درعه ده ایتمشدی. هر سنه آنادولویه غزایا یتمکده بعضاً غالب ، بعضاً مغلوب اولقده ایدی . ۳۴۱ده مرعشک یکیدن

(۱) ابن شداد، تاریخ حلب ، ج ۱ ، باب ثانی .

(۲) نوبری ، نهاية الارب ، جلد ۲۱

بناسنہ مباشرت ایندی، وعمجہ زادہ سی شاعر ابوفراسی بوايشہ مأمور ایندی؟
شہر یکیدن انشا وتحکیم ایدلدی؛ فقط برآز صوکرآ روملر طرفندن تکرار ضبط
اولوندی. سیف الدولہ بدایہ روملرہ قارشی برجوق مظفریتلر قازان دیسہ دہ بالآخرہ
ہزیمتہ اوغراددی، نفور شہرلری برر برر روملر طرفندن ضبط اولوندی. ۳۵۱ دہ
عینی زربہ ومرعشی، ۳۵۴ دہ مصیصہ (مسیس) وطرسوس آلدیلر بونی تعقیب
ایدن سنہلر ایچندہ دہ دیکر نفور بلدہ لرینی استیلا ایتدیلر (۱).

یوتاریخندن صوکرآ اسلاملر روملرہ قارشی فائقیتلرینی غائب ایلدیلر. آل حمدانہ
خلف اولان مرداس عائلہ سی دہ، فاطمی خلیفہ لریدہ نفوری استردادہ موفق
اولامادیلر؛ بوضورتہ مرعش بلدہ سی بوتون نفور خطہ سیلہ برابر برعصری متجاوز
بر زمان روملرک الندہ قالدی. روملر آنطا کیدہ (دوق) ویا (قائہ بانو) عنوانی
طاشیان والیرلہ بوحوالی بی ادارہ ایتدیلر؛ مرعش، عینتاب، دہ لوک و فرات
حوالیسی آنطا کیدہ دوقلغنہ تابع ایدی.

*
**

۴۲۰ سنہ ہجریہ سنندن اعتباراً اوغوز تورکلری یاخود تورکمنلر جیجون
نہرینی کچرک خراسانہ، عراق، آذربایجان والجزیرہ دوغرو مهاجرتہ باشلادیلر.
تورکمنلرک باشنہ کچن سلجوقی عائلہ سی بومہاجرتی استیلا وفتوحات شکلنہ صوقدی.
۴۳۰ دن اعتباراً دولت سلجوقیہ یعنی تورکنن ایمپراطورلنی تأسس ایلدی. پک
آز زمان ایچندہ بتون ایران قطعہ سیلہ آذربایجان، اران، عراق عرب بوایمپراطورلنک
مؤسسسی اولان طغرل بک طرفندن فتح اولوندی. کوچہ تورکمنلر سوریلریلہ،
عائلہ لریلہ برلکدہ غربہ دوغرو کوچ ایدبورلردی. سلطان طغرل بکک زمانندہ
۵۳۹ تاریخندن اعتباراً تورکمنلر آنادولویہ تعرض ایتمکہ، راست کلدکلری بلاد
وقصبائی یغما و تخریبہ باشلادیلر. بوتعرضلر شرقدن آنادولو ایجریلرینہ، قیزیل
ایرماق ساحہ لرینہ دوغرو اوزانیوردی.
عینی زماندہ تورکمنلر اورفہ حوالیسنی غارت ایدبورلر، فراتی کچرک ملاطیہ بی
تخریب ایدبورلردی (۲).

(۱) ابن شداد، تاریخ حلب، ج ۱، باب ثانی

(۲) لوبو، کتاب ۷۹، م ۳۲

سلطان آلب ارسلان زماننده تورکنلرک تعرضی دها شدت کسب ابتدی . سلطانتک ایلك سنه جلوسنده ارمنستانک فتحندن سوکرا تورک اردولری براقچ بولدن آنادولویه کیردیلمر ، قزیل ایرماغی کچهرک قیصری به کلدیلمر ، اهلایسنک قسم اعظمی تولدیلمر ، اورادن کلیکیابه یورویه ریک اوکرینه کلنی قتل عام ابتدیلر و بوتون بوحوالی بی یغما ایلدکن سوکرا حلب بولنی طوتدیلمر . آنادولونک حوالی جنویه سنده کی قوتلی بروم اردوسنه قوماندا ایدن (نیکه فور بوتونیات) بوتعرضی توقیفه مقتدر اوله مدی ؛ اردوسی داغدی ؛ کندیسیده استانبوله دوندی . آنادولونک جنوب حوالیسی تورکلرک استیلاسنه معروض قالدی (۱) .

تورکنلر برطرفدن آنادولویه مهاجرت ایدرلرکن دیگر طرفدن الجزیره وسورییه دوغرو کوچ ایدیورلردی . ۴۵۸ سنه سنده برچوق تورک قبیله لری الجزیره بی اشغال ایتدیلمر ؛ بونلرک برقسی آنادولو جنوبنده کی روم ممالکنی ضبط و تخریبه باشلادیلمر ؛ مرعش جنوبنده کی (ربعان) و (دلوک) قصبه لریله - که ۳۵۱ دن اعتباراً بیزانس ایمپراطورلغنک تحت اداره سنده بولنیورلردی - منبجی ضبط ایلدیلمر . بوتورکنلرک باشنده (افشین بن بجکی) نامنده بذات بولنیوردی . افشین ، سلطان طغرل بکک قوماندانلردن اولوب بغداد شهنه لکنده بولونمشدی . سلطان آلب ارسلان زماننده ده بیوک مناصبه نائل اولمش ایکن سلطانتک امراسندن برنی تولدیلمش و حکمدارک غضبنه اوغرامقدن قورقارق کندیسنه تابع اولان عسکرلری وعشیرتلی معینته آلوب غربه دوغرو قاچمش و فراتی کچهرک راست کلدیکی مملکتلری یغما و ضبط ایشدی . آنادولو فتجی محارباتنک اک بیوک سیالردن بری اولان (افشین) ، مرعش ، آنطاکیه حوالیسنی ودیگر روم مملکتیرنی تخریب ایدیوردی (۲) .

(رومن دیوژن) بیزانس ایمپراطوری اولدقدن سوکرا افشینک تعرضینه نهایت ویرمک مقصدیله بیوک بر اردو ایله کلیکیابه قدر کلدی . فقط اوصیراده (نیکسار) شهرینک آنادولونک شرقی ضبط اولان ایتمش اولان تورک اردوسی طرفسندن تخریب ایلدیکنی ایشیده ریک اولان شرقه متوجه اولدی .

(۱) لوبو، کتاب ۷۹ . م . ۴۰

(۲) ابن شداد ، تاریخ حلب ، ج ۰۱ ، باب ثالث

(دوربىكى) ده توركلرى رجعتنه مجبور ايتدكدن سوكر ا جنوبه دوندى ، كوكون طريقه مرعشه كلدى . اردوسندن برقسمنى آيره رق اوصيراده فرات ساحلنى تهديد اتمكده اولان تورك قوماندانلردن (امير خاص اينال) ه قارشى كوندرديسه ده بوقوت منهزم اولدى ؛ بونك اوزرينه ايمراطور بالذات امير مشار اليك اوزرينه يورويه رك رجعتنه مجبور ايتدى ؛ ايمراطور بوندى سوكر ا توركنسلرك النده كى شهرلك اك مهملردن برى اولان منبجى حرباً آلدى . بوانشاده (امير افشين) مصيقتنه بك چوق محارب طويلا مش اولدينى حالده ملاطيه دن قيصرى به كمش واوندن سوكر ا غالاتيا خطه سنه مواصلت ايلمشدى . ايمراطوره كوچنن جنرالردن برى ده مشار اليه ايله برلكده حركت ايدوردى ؛ افشين عموريه شهرينى ضبط ايدهرك اهايلسنى قتل واسير ايتدى . ايمراطور منبجىدن كليكيابه كبرى دونديكى زمان بونى خبر آلدى افشين اوزرينه يورومك ايستدى ؛ فقط مشار اليه كيريسين كبرى به شرقه دوندى ، اوندن سوكر اده جنوبه توجه ايتدى ، انطاكيه نى قوشاده رق خراجه باغلادى وتكرار آنادولويه كيره رك غزواتنه دوام ايلدى (۱) .

افشين ، سلطان آلب ارسلان نظر ننده غائب اتمش اولدينى توجهى بكيدين قازانه بيلمك ايجون آنادولو غزاليينه دوام ايتدى . ۴۶۱ ، ۴۶۲ ، ۴۶۳ سنه لرى اثناسنده متادياً آنادولو ايجريلرينه تعرض ايتدى ؛ ليقاتونيا ، فيريكيا خطه لرنده كى شهرلرى غارت ايتدى ، ونهايت سلطانك عفو واماننه نائل اولدى ، ملاز كرد مظفريتنى متعاقب آنادولو ايجريلرينى فتحه مأمور اولان امرا مياننده بولوندى ، آلتى يدى سنه قدر غزا وفتحاته اشتراك ايتدى . افشين آنادولو ايجريلرنده ايكن رفقاسندن (احمد شاه) حلب شمالنده كى توركلره رياست اتمكده ايدى . احمد شاهك تاج الدوله تنس طرفندن قتلدن سوكر ا افشين آنادولودن سورويه دوندى (۴۷۱) (۲) . افشينك عاقبتى وتاريخ وفاتى حقه ده معلومات بولامادم . افشينك آنادولودن عودتنى ايجاب ايتيرن سببده مجهولدر ؛ آنادولونك فاتحى و آنادولو سلجوقيلرينك ايلكى اولان (سليمان بن قلمش) طرفندن آنادولويى تركه اجبار ايدلمش اولسى محتملدر ؛ هرنايه آنادولو حوالى جنوبيه سنك فاتحى اشبو افشيندر .

(۱) لوبو كتاب ۷۹ . م ۵۱ ، ۵۲ ، ۵۳ ، ۵۴ . عيني ، غفد الجمان ، ۴۶۱

سنه سى وقايبى

(۲) جبرى ، المختار من تاريخ الذهبى . امير پيرس ، زبدة الفكره . تاريخ عظيمى .

وزیر رشیدالدینک جامع التواریخک سلجوقیقلر فصلنده و اوندن نقلاً (مجمع التواریخ بایسنغری) ده ولاری تاریخنده سلطان آلپ ارسلانک ملاز کرد مظفریتنی متعاقب معینده کی امرادن بعضیلرینه آنادولویه غزا ایتملرینی امرایتدیکی، ضبط ایدیه جکلری مملکتلری کندیلرینه بطریق الارث بخش ایدیه جکی سویلیدیکی مذکوردر؛ بومیانده امیر سلتنک ارضروم و ملحقاتی؛ امیر آرتقک ماردین، آمد، ملاطیه و مضافاتی؛ دانشمندک قیصری، سیواس؛ توقات، نیکسار و آماسیه بی؛ جاوادرک مرعش و سربوسی، امیر منکوجک غازینک ارزنجان، کباخ و دیگر ولایتلری ضبط ایتمش اولدقلری؛ بالاخره سلطان ملکشاه زماننده بوامیرلر آراسنده منازعه ظهور ایتمدیکی جهتله وزیر نظام الملکک تصویبیه طرف سلطانیدن (سلیمان بن قلمس) ک آنادولو امراسی آره سنده کی اختلافاتی رفع و آنادولونک فتحنی اتمام ایتمکله مأمور قلنه رق قطعاً مذکوره حکمدارلغنه نصب اولندینی محرردر.

بومعلوماته اعتماد ایتمک جائز ایسه مرعش، ملاز کرد حرتندن یعنی ۴۶۳ سنه سندن صوکر امیر (جاوادر) طرفندن آلتمش اولیور. حالبوکه بومعلومات شایان نظردر. زیرا رشیدالدینک اثری وقوعاته و محل جریانه زماناً و مکاناً بک اوزا قدر، و مأخذی یوقدر. بومعلوماتی آنادولو فتحنه معاصر اولان روم، ارمنی و سریانی منابیی تکذیب ایلمکده در.

بومنبعله نظراً ملاز کرد محاربه سندن صوکر اوتیه بری به داغیلمش اولان روم جزاللری برطاقم سرکذشتر پیشنده قوشمغه باشلادیلر؛ ایمراطور رومن دییوزهنک قوماندانلردن اولوب (دومستیک) عنسواتی قازانمش اولان (فیلاروت) - که ارمنی الاصلدر - ییزانس اردوسنک بقیه السیوفندن بر قسمنی طوبلایوب ایمراطورلغنه تابع بعض ممالکی ضبط و اعلان ایتمک سوداسنه قابیلدی. ۱۰۷۲ میلادی و ۴۶۵ هجری تاریخنده مرعشی، البستانی، ملاطیه بی ضبط ایتمدی (۲). بالاخره ییزانس ایمراطورینه عرض اطاعت ایتمدی و تحت اداره سنده کی ممالکله علاوه آنطاکیه دو قلغنه تعیین اولوندی. ۴۷۶ سنه هجریه سنده اورفنی ده ضبط ایدره ک اوغلی (بارصام) ی والی تعیین ایلمدی. فقط برآز صوکر بارصام پدریله بوزوشدی و آنطاکیه بی ضبط ایچون کندیسنه معاونت ایتمک اوزره آنادولو

فانجى اولوب ازىنىق شهرىنى بايتخت اتخاذا ايتمش اولان سلطان سليمان بن قلمش دن استمداد ايتدى . ۴۷۷ ده سلطان سليمان انطاكيه نى ضبط ايتدى . (فيلاره ت) جيحان حواليسنده واقع (هونى) يه - كه بوكون ينه بونام آلتنه البستانه تابع بر ناحيه مركزيدر - قاجدى . فقط او ائشاده تورك قوماندانلردن امير بلداجى او حوالى نى ضبط ايتمش ايتدى ، جيحان نهري ساحه سنده كى شهرلرى ، البستانى ، كوكسونى ، هونى نى آلمشدى . (فيلاره ت) بوراده دوراميه رق مرعشه كلدى ، فقط امير مشاراليه بر آرز صوكرامرعى ده ضبط ايتدى . (فيلاره ت) آرزوى وجداني سيله دين اسلامى قبول ايتمشدى . تحت اداره سنده كى مملكتلر تورك قوماندانلرى طرفندن برر برر ضبطى اوزرينه بوسبوتون آچيقده قالمش اولان مومى اليه سلطان اعظم ملكشاه زدينه كيره رك اكرامه نائل اولدى ، ودين اسلامى قبول ايتمش اولماسنه مكافاة مرعش حا كلكنه نصب ايدلى . (فيلاره ت) ك بر آرز صوكرامرعى اولان وفاتندن صوكرامرعى ينه جيحان حواليسى اميرى (بلداجى) نك تحت اداره سنه كچدى (۱) .

بوصيرالده آنادولوقطعه سى كاملاً فتح ايدلمشدى؛ توركلك ارمنستانى ضبطندن صوكرامرعى ارمنيلر قبادوكيا طرفلرينه التجا ايتمشلردى . فقط تورك استيلانك كيتدكجه توسع ايتتى و توركلكلر آقن آقن آنادولويه مهاجرت ايتلرى اوزرينه ، بونلك نعرضلردن جانلرينى قورتارمق ايجون كليكيانك داغلق منطقه لرينه مهاجرت ايتديلر؛ استيلانك ختامندن وصلح و سكونك تأسسندن صوكرامرعى ملجألردن چيقارمق كليكيان شهرلرينه يرلشمكه و ياواش ياواش مرعش ، كوكسون ، كيسوم طرفلرينه دوغرى يايلايه باشلاديلر . ارمنى رؤساسى كرك كليكياده و كركسه مرعش حواليسنده بر طاقم قلعه لر انشا ايتديلر . مع مافيه كاملاً آنادولو سلطاننه و اونك معيتنده كى اميرلره تابع و خراجكذار بولونمقده ايديلر .

صلييلر آنادولويه نعرضى ائشاننده سلطان قلعج ارسلان اولك بوتون آنادولو امراسنى معيته طوبلاديغنى بيلورز . غود فروا دو بويون و ديكر رؤساي اهل صلييك تحت اداره سنده بولنان بيوك خرستيان اردوسيله سلطان قلعج ارسلانك

(۱) اورفلى ماتيدون و آنبلى ساموئلدن نقلاً لوبو كتاب ۸۱ ، ۴۴م و كتاب ۸۲ ، ۱۰م

(علاوه و حاشيه لر) . Muralt , chronographie Byzantine, vol 2, p 60

معینده بولان آنادولو اردوسی اسکیشهر اوواسنده محاربه ایتمشلردی . یوقاریده اسمی کچن (امیر بلداجی) ، آنادولو سلطانتک معینده اوله رق بوحره اشترک ایلشدی (۱) . اسلام اردوسنک انهمزامله نتیجه له ن بو محاربه دن سوکرا صلیبیلر باشدن باشه آنادولوی قطع ایتدیله ، بومیانده مرعشی ده آلدیلر (۴۹۰) اهل صلیب رؤسای ، یزانس ممالکندن ایکن تورکلرک تحت استیلاسنه کچمش اولان مملکشلری ، ضبط ایدر ایتمز روم ایمراطورلغنه اعاده وتسلیم ایتیمی تعهد ایتمشلردی . بوسیدن دولایی مرعشی یزانتیلره ترک ایتدیله . یزانتیلر نامنه (ناتول) اسمنده برارمنی شهری اداره به باشلادی . (ناتول) ، ۴۹۴ سنه سنده انطاکیه پرئسی (بوئه مون) ک تعرضه مقاومت ایتدی (۲) ، ۴۹۷ ده بوئه مون تحت اسارتنده بولندیفی ملک دانشمندک لندن یاقه سنی قورتارهرق انطاکیه به عودت ایتدکن سوکرا یزانس ایمراطورینک اداره سنده کی مملکتلره تعرضه باشلادی . ایمراطور آلکسیس قومینوس ، بوئه مون اوزرینه بر قوه سفریه ترتیب ایدره رک قوماندانلغنه (بوتومیت) ی تعیین ایلدی .

بوتومیت ، رفاقنده موناستراس اولدینی حالده کلیکیا به داخل اولدی ، مرعشه قدر کلدی . بوتون بوحوالیده کی فرانقلری هزیمته دوچار ایتدی ؛ موناستراسی قوای کافیه ایله اوراده بر اقوب کندیسسی استانبوله دوندی (۳) موناستراس بعض موفقیتلره نائل اولدیسده بالآخره استانبوله دوندی . (بوئه مون) ک آوروپا به عودتی اوزرینه انطاکیه پرئسلکنی وکاله اداره ایدن (تانقره د) کلیکیایی ضبط ایتدی .

(۱) ده کینی ، هونلر تاریخ عمومیسی جلد ۲ ، قسم ۲ ، ص ۱ . بووقایمدن سوکرا آنادولوده امیر بلداجی نک اسمنه برده اتصادف ایده میورز . آنجق سلطان اعظم غیاث الدین محمد طبر بن ملک شاه زماننده ایرانده بر امیر (بلداجی) کورسیورز ؛ بوذات اصطخر ، کلیل ، سرماة قلعه لرینک والیسی ایدی . سلطان محمد ، موصل والجزیره والیسی اولان (جاوی سقاوی) عزل ایتمش بالآخره عفو ایدرک ۵۰۰ سنه سنده فارس امارتنه تعیین ایتشدی . امیر جاوی (فارس) ده بر چوق مظالم ارتکاب ایتمش بومیانده (امیر بلداجی) بی ده حبس ومالنی مصادره ایلشدی . بو (بلداجی) سلطان ملک شاه بن الب آرسلان عمالیکندن ایدی (ابن خلدون جلد ۵ ص ۴۴) بوذاتک آنادولو وقایعنده اسمی کچن جیحان نهری ساحه سی امیری (بلداجی) اولسی وهرهانکی برسیدن دولایی آنادولودن ایرانه کیدرک اصطخر امیر لکنه تعیین ایدلش بولنامی محتملدر . امیر موئی الیه ۴۹۵ سنه سنده سلطان برکیارق ایله سلطان محمد آراسنده وقوعه کلن محاربه ده سلطان محمد طرفنده بولونمش ایدی .

Chalandon, Jean et Manuel, p 105 (۲)

(۳) لوبو ، کتاب ۸۴ ، م ۲۲

مرعشه كلنجه شهر مذکور حاكى بولسان (تاتول) ۴۹۹ء ده مملكتنى او ائشاده (تل باشر) سينورى اولوب بالاخره اورفه قوتى اولان (زوسلين)ه تركه مجبور اولدى (۱).

فقط برآز صوكره (كيسوم) ، (۲) حاكى اولوب واسيل ، آنطاكيه پرئسى (قوغ = خيرسز) لقبيله معروف اولان (بازيل) - كه ارمنى الاصلدر - مرعشى ضبط ايتدى .

بوئهمونك فديه نجاتك برقسمنى ويره رك اوئى امير دانشمند يندن قورتارمش ايدى . بوئهمونله حسن مناسباتى ادامه ايتمش اولان واسيل ، تانقره دله كچنه مدى ، اونك تجاوزينه قارشى موصل اميرى (جولى سقاو) دن امداد ايتتى (۳) . قوغ واسيل اهل صليب رؤساسى اره سنده كى منازعا ئدن استفاده ايدرك ياواش ياواش دائره حاكىتتى كنيشله تدى ؛ رعبانى ، روم قلمه يى ضبط ايتدى كى اورفه قونتنك الندنده حصن منصورى آلدى (۴).

قوغ واسيل ، ئولوركن يرئى ولد مغنويسى (واسيل دغا) يه براقدى . بو واسيل ۵۱۰ سنه هجره سنده مملكتنى اورفه قوتى بودوئنه ترك ايتدى (۵).

ابن الاثيره نظراً مرعش ، كيسوم ورعبان وديكر مملكتلرك حاكى (قوغ واسيل) ۵۰۸ سنه سنده وفات ايتمش ، وزوجه سى اونك مقامنه كچمشدى ؛ حاكه مزبوره عسكرلره حسن معامله ايتمش وفرنكلرك تعرضه قارشى متحصن اولمشدى . او ائشاده ، بيوك سلجوقى سلطانى (غياث الدين محمد بن ملكشاه) طرفندن موصل واليسى تعيين وسوريه و الجزيره ده كى فرانقلرى طرد ايتمه مأمور ايديلن (اقسنقر برسى) اورفه يى محاصره ايلكده ايدى . فرانكلرك تعرضندن قورقان مرعش و كيسوم حاكه سى امير مشاراليه خبر كوندره رك امداد ايتتى . امير اقسنقر ، معينده بولنان امرادن خابور حاكى (سنقر دز دار) ي كوندردى . مرعش حاكه سى ، سنقره اكرام ايدرك مال وهديه وپردى . او صيراده بر مقدار فرنك كه رك اونك

(۱) شالاندون : ژان قومنه و ما ئوئىل قومنه ن ص ۱۰۵ ماتيو دن نقلاً

(۲) مرعشك جنوب شرقى سنده در .

(۳) شالاندون ، ژان قومنه و ما ئوئىل قومنه ن ص ۱۰۰ ، ابن خلهون ج ۵ ص ۴۰

(۴) كذا ص ۱۰۰

(۵) كذا ص ۱۰۰ ماتيو دن نقلاً

یوز آتلیه بالغ اولان معیتله مصادمه به طوتشدیلر؛ شدتلی بر مقانله دن صوکر ا مسلمانلر ظفر قازانوب دوشمانلرک اکثریسنی تولدیردیله؛ سنقر دزدار، مرعش حاکمه سنک ملک مسعود بن سلطان محمد وامیر اقسنقر برستی ایچون کوندرمش اولدیغی هدایای حاملاً عودت ایتدی (۱).

مرعش وکیسوم فرانقللر بدینه کچد کدن صوکر ا برمدت اورفه قوتلغنه تابع اولدی، بالآخره مستقل بر قوتلغ حالی آلدی. بو کوچوک قوتلغ، ایچمه دوام ایتدی. سنپور، ویا قونت عنوانی طاشیان حاکم لر بعضاً آنطا کیه برنسی، بعضاً ده اورفه قوتلی متبوع طانیورلردی. سوریه دن صلیبیلری طرد ایتک ایستیان امرای سلجوقیه قارشی مدافعه ده بولونمق ایچون قدس قرالنک تحت ریاستنده تجمع ایدن آنطا کیه، طرابلس اوزفه قوتلرینک آراسنده مرعش سنپور- لری ده بولونمقده ایدیلر؛ ایلمغازییه، بلک بن بهرامه، اقسنقر برستی، زنگییه قارشی وقوعبولان محارباتک اکثریسنه مرعش سنپورلری ده اشتراک ایتشلردی. مرعش سنپورلرینک ایلکی (ریشار) در. آز برمدت اجرای حکومت ایتش در. اوندن صوکر ا کلن (زوفرا) ۵۲۸ سنه سنه قدر حاکم اولمشدر. بونک زماننده کلکیا برنی ارمنی (لیفون) کرک تورکلرک وکر کسه فرانقلرک ضررینه اوله رق توسیع فتوحات ایلکده ایدی؛ آنطا کیه برنی ایکنجی بوئمون، مرقومک شان و شهرته حسد ایتدیکندن مرعش قوتیله آکلاشدی، و بونک اوزرینه مرعش قوتی، (لیفون) ی نزدیکه دعوت ایده رک حبس ایتدی وایکی سنه تحت اسارتده طوتدی. (لیفون) آغیر بر فدی نجات اعطاسی، اوغلنک رهینه اتخا ذی واک مکمل قلعه لرینک قونته ترکی صورتیله یاقاسنی قورتاره بیلدی. استرداد حریت ایدر ایتز ایلک ایشی اوکا اعلان حرب ایدرک ویردکلرینی استرداد ایتک اولدی. قدس قرالی (فولوق بیله لاین برنسنه امداده مجبور قالدی. نهایت اورفه قوتی (زوسلین) ک توسطیله صلح عقد ایددی، لیفونک رهینه لری اهاده اولوندی (۲).

۵۲۸ سنه سندن صوکر ا مرعش سنپورلکنده (بودوش) ی کورپورز. بو اوچنجی سنپور ۵۴۱ تاریخه قدر اجرای امارت ایتمشدر. مرعش قوتلغنی شرقدن و جنوبدن

(۱) ابن الاثیر، ج ۱۰، ص ۱۷۶

(۲) لوبو، کتاب ۸۶، ۱۹۰

اور فہ قونستغی و آنطا کیہ پرنسلکنہ تابع اولان مملکتلرلہ چوریلش اولوب یالکنز شمالدن آنادولوتورک حکومتلریلہ غریبندن دہ کلیکیا ارمنی بارونلغیلہ محاط بولونیوردی . مرعش قونستغی ایلہ تورکلر آراسندہ ، آرادہ صیرادہ مجادلہ لر وقوعبولمقدہ ایدی . ۵۳۴دہ بودوش تورک ملکلرینہ تابع اراضی بہ تجاوز ایتمش ایدی .

او اثنادہ مرعشک شمالی آنادولونک اعظم ملوکندن (محمد بن غازی بن دانشمند) ہ تابع بولنیوردی . ملک محمدساحہ حکمرانینسندہ کی ممالکہ وقوعبولان تجاوزک انتقامنی الملق قصدیلہ ۵۳۵ سنہسندہ معیتندہ غلبہ لاک بر اوردو اولدینی حالہ مرعش خطہسنہ کیردی ، کویلری یاقدی بیقدی و (کیسوم) ی محاصرہ آلتنہ آلدی . شہرہ تعرض ایتیمور ، یالکنز صولرینی کسپور ، جوارینی غارت ایدیوردی . محصورین قورقورلندن سورلری ترک ایدہ رک ایچ قلعه یہ چکیلدیلر . ملک محمدشہری ، بالخاصہ کلیسالری یغما ایتدی . او اثنادہ استانبول ایمپراطوری (یوآنپس قومنینوس) کلیکیایی ارمیلردن استراد ایچون سفرہ چیقمش ، بوحوالی بی آلدقندن صوکرک انطاکیہ اوکنہ کلش ، بعدہ (بزاعہ) یی مسلمانلر لندن ضبط ایتمشدی . ایمپراطورحلی الملق ایچون اوغراشمش ، بوکا موفق اولہ ماینجہ (شیزری) محاصرہ ایتمشدی . بو محاصرہ دوام ایدرکن ملک محمدہ کیسومی محاصرہ ایلکدہ ایدی . مرعش و کیسوم سنپوری بودوش روم ایمپراطورینہ خبر کوندرہ رک معاوتنی استرحام ایتدی . ایمپراطور شیزر محاصرہسنی رفع ایدہ رک سنپورک امدادینہ شتاب ایلدی . ملک محمد ایسہ کیسومک ایچ قلعهسنی ضبط ایتمکدن فراغت ایدہ رک پک چوق غنائم واسراپی حامل اولدینی حالہ آنادولوبہ دوندی (۱) . بودوش بووقعہدن برآز اول کلیکیا پرنسی ارمنی لیفونلہ حرب ایتمش ، فقط مغلوب اولمشدی (۲) .

۵۳۹ سنہسندہ موصل وحلب ملکی عمادالدین زنگی اورفہنی صلیبیلر یندن ضبط ایتدی . خرسیتیانلرک بوہزیمتندن استفادہ ایتک ایستیان آنادولو سلطانی عزالدین مسعود بن قلیج آرسلان مرعش و فرات ساحلندہ کی مملکتلری لاتینلر یندن الملق ایچون حرکتہ حاضر لانیوردی . حدود ممالکی اورفہدن انطاکیہ بہ

(۱) تاریخ عظیمی . ماتیبو وقایعنامہسی و بوندن نقلامورغان : ارمنی قومی تاریخی ، ص ۱۲۴ . عظیمی ۵۳۵ سنہسی وقایعی میانندہ بووقعہنی شوصورتلہ ذکر ایتکدہ در : وفی شوال ظہر بن الدانو شمندالی بلد مرعش و فتح حصنا و سیا اہلہ جواباً بفعل الفرنج بیلدہ .

(۲) شالاندون : ژان قومنون و مانوئل قومنون ، ص ۱۱۰

قدر متمد اولان مرعش سنپوری بودوئن اهل صلیک بو جهه ده کی مدافعه سنی درعهده ایتمکده وباشلیجه رعبان، کیسوم وبهسنی قصبه لرینه حاکم بولونمقده ایدی. بودوئن، زنگینک اوغلی و خلفی نورالدین محمودک اورفه فی ایکنجی دفعه اوله رق فتحی صبراسنده یعنی ۵۴۱ سنه سنده وفات ایتدی. یرینه برادری (ره نو) کچدی. بویکی سنپور، اورفه قوتی اولوب شهر مذکورک تورکلر طرفندن ضبطنی متعاقب مقر حکومتی (تل باشر)ه نقل ایدن ایکنجی ژوسلینک کریمه سی (آنیه س) ایله ازدواج ایتدی. ۵۴۲ سنه سنده آنادولو طرفندن وقوعبولان برتعرضی دفع ایلدی. او ائنده سلطان مسعود بیزانس ایمراطوری (مانوئل قومینوس) ایله قاتلی محاربه لره کیریشمش اولدی ایچون آنادولو حوالی جنوبیه سی حقتنده کی املاربی تطبیق ایده جک زمان بولامیوردی. روملره محاربه دوام ایدرکن آوروپا عالمتک یکیدن حرکت کلدیکی و شرق خریستانلربی قورتارمق اوزره یکیدن اهل صلیب اردولری تشکل ایتدیکی شایع اولدی. بوخبر اوزرینه، روم ایمراطوریه سلطان مسعود عقد صلح ایتدیله. فی الحقیقه برآز صوکر ابری آلمان ایمراطورینک دیکری فرانسه قرالتک قومانداسنده اولمق اوزره ایکی سیوک اهل صلیب اردوسی آنادولویه کیردی فقط هرایکیسی ده تارومار اولدی. عینی سنه ایچنده مرعش قوتی (ره نو) اجل موعودیه ٹولش و اونک مملکتی قائم پدري (ژوسلین) طرفندن اشغال اولونمشدی (۵۴۳). حدود ممالکی شمالدن، شرقدن و جنوبدن اسلام حکومتلریله محاط اولان ژوسلین، هر طرفندن تجاوزه معروض قاله بیلیمک احتمالی دوشونه رک حکمدارلرک الک قوتلیسی اولان آنادولو سلطانی مسعود ایله عقد صلح ایتدی. فقط بوصلح دوام ایتدی. ۵۴۴ سنه هجریه سنده و ۱۱۴۹ سنه میلادیه سی ایلونده بالذات سلطان مسعود مرعشه کلدی، شهری ضبط ویغما ایتدی؛ شوو الیه لری، بسقوسلری و فرانقرک اکثریسی قلیچدن کچردی (۱). بعده مرعشک جنوبنده واقع (دلوک) قصبه سنی آلدی (۲). بوندن صوکر ا ژوسلینک مقر حکومتی اولان (تل باشری) محاصره ایلدی. ژوسلین قدس قرالی اوچنچی (بودوئن) دن استمداد ایتدی؛ قرال

(۱) شالاندون، ژان قومنه و مانوئل قومنه، ص ۴۲۱، ۴۲۲. مورغان، ارمنی قومی تاریخچی، ص ۱۸۲ ابوالفراجک سریانیجه اثرندن نقلاً. ابن شداد، تاریخ حلب، جلد اول، باب ثانی

(۲) ابن شداد، تاریخ حلب، جلد اول، باب ثالث.

مداد كوندردىكى كېي (كر كر) قلمسى صاحى قونتك تابعلاردن ارمنى (بازىل) ده امداده كلدى، سلطان محاصره يي قالديرمق مجبوريتى حس ايتدى. ژوسلين، سلطان مسعودى متبوع طائىمىي، يذنده كى مسلمان اسيرلرني ترخيص وبعض هدايا تقديم ايتمىي قبول ايدهرك صلحه طالب اولدى. او سنه نهايته دوغرى ملك نورالدين محمود بن زنىك ده تلباشره توجه ايتديسه ده فاحش برهزيمته گرفتار اولدى.

بونك او زرينه ملك نورالدين، حصن كيفا ملكى ارتقىلردن قرا ارسلان، ماردن اميرى حسام الدين تمرناش سلطان مسعودك رياستى آلتنده اتقاق عقد ايدرك ژوسلينك مملكتنه تجاوزه حاضر لانديلر. ۵۴۵ سنه سنده ژوسلينك اسارتى متعاقب اونك تحت اداره سنده كى مملكتلرى ضبط و آرالرنده تقسيم ايديلر. قرا ارسلان، (كر كر) حا كى بازىلى اسير ايدهرك شهر مذ كورى وكاخته حصن منصور، صمصات - كه اسكيدن سميساط شكنده يازيلردى - بلده لرني آلدى. حسام الدين تمرناش ايسه بيره [بيره جك]، قورس، كفرسود قصبه لرني ضبط ايتدى. اعزاز، تل خالد، برج الرصاص راوندان كى قصبه لر ملك نورالدينك حصه سنه دوشدى. عينتاب، بهسنى، رعبان، كيسوم، مرزبان مدينه لرى ايسه سلطان عزالدين مسعود طرفندن استيلا ايدلدى. سلطان مسعود ژوسلين يذندن آلدينى بوقصبه لرك كافسنى مرعشه ربط ايدرك بر ولايت وجوده كتيردى و ولايت مذ كوره نك امر مدافسه و محافظه سى اوغلى و وليعهدى قليج ارسلان توديع ايدرك قونيه يه عودت ايتدى (۱). ايشته ۴۹۱ ده اهل صليب طرفندن آلان مرعش بوضورته استرداد ايدلدى. شهر مذ كور اون يدى سنه قدر ارمني لرك، ۳۵ سنه ده لاينلرك تحت اداره سنده قالمش و نهايت بوسنه ايچنده آلتىدى.

سلطان مسعودك حكمدارلغنىك صوك يىلى ايچنده، ۵۵۰ سنه سنده مرعش شهرى برارمنى چت سنك تجاوزينه دوچار اولدى. كليكي ارمنى پرئسى طوروس برادرى (استفان) ي مرعشه كوندردى. مرقوم عسكرلرني كيجه لىن شهره صوقورق قصبه ده كى خرستيانلرك خانه لرنده ساقلادى، كونش دوغاركن بو ارمنى چته افرادى ساقلاندىقلى اولردن چيقاره رق او يقوده بولنان مسلمانلرك خانه لرينه تعرض ايدوب

(۱) شالاندون، ژان قومنه و مانوئل قومنه، ص ۲۳، ۴۲۴، ابوالفرجدين وميخائيلدن نقلًا. لوبو، كتاب ۸۷، م ۶. ابن شداد، تاريخ حلب، جلد اول، باب ثانى.

بر چوق خجایع ارتکاب ایندیله، اوندن سوکرا شهره آتیش ویردیله. فقط ایچ قلعه‌یی آلامادیلر، سوکرا تورک حکومتک عسکر کوندردیکنی ایشیدنجه شهر خرستیانلردن بر قسمی ده برابرلرینه آله‌رق چکیلوب کیتدیله. بونلرک عودتی متعاقب تورک عسکری شهره کیردی، خرستیانلره قارشى انتقامجویانه بر حرکت شویله دورسون بالعکس شهرده کی هیجانی تسکین ایتمکدن، فراری ارنیلردن کیری کلنلره خانه‌لرینی وبتون ماملکلرینی اعاده ایلکدن باشقه برشی یامدیله. یالکزچته ایله تشریک‌مساعی‌ایده‌رک مسلمانلره مظالم یاپانلری جزالاندیردیله. (استغان) مرعشدن سوکرا (کیسوم)ه کیندیسه‌ده برشی یاپه‌مدن کیری دوندی. حین عودتنده بیزانس ایمپراطوری مانوئل قومینوسک قوماندانلردن آندرونیک ثوفوربه‌نک تحت امرنده کی فرقه عسکریه طرفدن احاطه ایدیلوب معیتله برلکده اسیر ایدلدی، تورکلره تسلیم اولونه‌رق یاپدینی مظالمک جزاسنی کوردی (۱).

مکرمین خلیل

(مابعدی وار)

(۲) لوبو، کتاب ۸۸، م ۲۵. سوریه‌لی میخائیلدن نقلاً مورغان، ص ۱۰۲.